

榮昌縣志卷之十九

祥異

易曰天垂象見吉凶聖人象之河出圖洛出書聖人則之機之先兆禍福形焉顧春秋書異不書祥聖人語正不語怪所以警人主之修省啟學者之戒懼然雲縵星輝之世儀鳳徵祥醴泉甘露之年黃龍獻瑞彼休祥之疊見亦政教之咸宜我

國家到治隆平河清海晏榮邑賢宰司牧厯著循良數十年來水潦不作旱患不生間有冬行夏令星孛太辰

榮昌縣志

卷之十九 祥異

亦天時之偶然而人事從無咎徵也作祥異志

新五代史蜀王永平四年八月麟見昌州

宋祥符三年二月昌州廡廳柱生芝

祥符四年六月昌州地震

祥符八年四月有芝生石上一本四莖其色黃白

熙甯八年昌元縣通鹽井得銅鍋九銅盆一銅盤一

元祐六年昌州永康軍禾合穗

隆興元年大饑

淳熙九年夏旱

清熙十年大饑民就賑相蹂死者多

嘉泰四年旱

嘉泰九年地大震

元至大二年春饑

至正十一年有星孛于西方

明成化三年地震

正德五年邑有蝗災

嘉靖七年秋大旱

嘉靖十一年秋八月彗星見於東井芒長丈餘

榮昌縣志

卷之十九 祥異

二

嘉靖十八年五色雲見

嘉靖二十四年乙巳秋七月不雨至於丙午夏六月

旱燠之甚千餘里皆赤

隆慶三年三月朔日大雪

萬曆八年冬十一月彗星見西方長數十丈經月始散

萬曆十六年十七年大旱頻仍

萬曆二十五年地震

萬曆三十七年旱三十八年復大旱田無收穫赤地

千里

萬曆四十六年九月地震房屋皆搖

天啟七年大旱

崇禎五年四月地震

崇禎十四年九月地震

崇禎十五年七月大風

國朝順治元年甲申有星見於東方形如長刀日中有赤氣數道自東達西是年獻賊入川六月破重慶

順治三年大旱大疫流賊殘殺幾無遺民

榮昌縣志

卷之十九 祥異

三

順治六年秋七月數日內日月星各一以次順行至晚不見

康熙三年冬彗星見長丈餘

康熙十九二十兩年歲大熟斗米百錢

康熙二十三年大旱自五月不雨至於八月

雍正元年癸卯歲大稔

雍正十三年五月大水

乾隆元年六月大雨

乾隆十一年歲大熟

乾隆三十年大饑

乾隆三十六七年歲皆大熟

乾隆四十三年大旱明年春大饑斗米二千餘錢餓
孳盈途秋大熟

乾隆五十一年丙午五月地震日三次明日又震同
時雅黎山傾陷塞河十數日水湧河決嘉定瀘州敘
府沿江一帶人民漂沒者不下數十萬眾

乾隆六十年乙卯正月元旦日食元宵月食

嘉慶十二兩年大饑知縣汪誠若倡捐賑濟全活甚

榮昌縣志

卷之十九

祥異

四

多邑九龍寺側泥色瑩白流民掘而食之竟可充饑
嘉慶十六年夏五月地震秋八月彗星見於瑤光之
次經兩月餘而沒

道光四年縣東街謝永清棧房差役鎖押命案兩造
人等鎖上結蕊三十餘朵頭形如綠豆色青腳形如
鬚色紫長寸許自鎖口內生出邑令呂祖期視之不
解其故

道光六年二月二十八日有光如長虹具首尾自西
徂東其行有聲

道光十一年七月十四日天色晴明日不射目其光照下皆成綠色八月十四日又如此

道光十二年十一月初五六日大雪

道光十九年大旱

道光二十年三月大風拔木

道光二十二年嘉禾遍野稻穗三歧合邑大熟

道光二十三年邑南關外雷三家母猪產象

道光二十四年十二月城南臥佛寺大火延燒殿宇數重

道光二十五年三月初二日申刻南方有紅星大如斗自天而下烟霧隨之長百丈餘星沒烟霧仍騰空而上

道光二十九年五月初六七日大雨河水淹入城內冲壞西關廣濟橋二洞

咸豐元年五月十六日未刻天上隱隱似雷聲頃間墜一石於城東北三十里昌陽壩長冲田內水躍起丈餘突起青煙一股騰空而去居民竭水掘石其色青黑狀如犬首豎似生鐵重九觔餘兩

咸豐二年夏四月東門外有大小蝦蟇沿城而走絡繹不絕不下數百萬跳舞驚鳴三日乃止

咸豐四年立春日大雪是歲大旱六月內有數日天於申酉時現起色燄數條狀如長虹自東至西秋穫甚歉八月初各鄉民田均發二禾九月大熟收倍於前民歌大有

咸豐六年正月大雪五月十二日大雨雹歲大稔

咸豐八年春三月大風拔木屋瓦皆震八月彗星見咸豐九年彗星見於西北是年滇賊李永和入川竄

榮昌縣志

卷之十九

祥異

六

擾敘嘉一帶

咸豐十年秋彗星見於西北是年冬十一月縣城失守旋即收復

咸豐十一年夏五月長星白色見於北斗旁初光燄甚長直射天河後愈出愈短

同治元年春正月十九日有黑氣一條長數十丈自北達東未現申散是年嘉禾遍野民樂豐年

同治三年邑東南永興場桐樹結實形如關刀柄長四尺

同治十年夏大旱

光緒二年二月大雪如瀟四鄉竹木被折不少

光緒五年五月地震甚微頃刻即止

光緒七年四月大風拔木屋瓦皆震

光緒七年四月彗星見於西北時在酉戌之交形如
帚尾

光緒八年八月彗星見於東南時在寅卯之交白光
一道形如疋練

明喻程氏應豸之妻將出閣前歲父程龍峯伐棗樹爲
嫁妝忽一日花開八朶結果成實有一果微黃于歸
後生七子一女俱列冠裳奇祥之兆豸先知之子輩
皆以棗字命名孫綏慶官貴州貴甯道作有瑞果兆
祥讚以誌休徵讚曰天眷有德預兆奇祥未出閨闈
棗卜賢良妣之嚴父官登仕郎取彼佳植將作嫁妝
高臥府地仙花瑩煌七果碩異一果微黃于歸以後
休徵聿彰奇童始卓巡撫繼昌嬌孫再見伯季重光
子壻有八笏幾滿床生膺紫誥歿荷龍章追封三品

榮昌縣志

卷之十九

祥異

七

幽冥馨香春秋享祀大夫蒸嘗孫蒙庇廕又步玉堂
期頤克紹福壽爲常綿綿瓜瓞錫祉孔長

國朝喻能定妻張氏貢生張鵬之女未孕之先一禾五穗
臨盆時一產三男邑令許元基有人禾雙瑞之旌三
子俱列膠庠孫道光歲貢生曾孫巽林庠生

榮昌縣志卷之十九

仙釋 附藝術

初平叱石驅羊而暫作牧人老子踰關騎牛而居然
柱史訪長生之要道黃帝屈禮於崆峒煉不老之真
丹赤松屏身於石室安期盧敖之輩王喬梅福之流
莫不駕鶴蓬萊乘鸞霄漢神仙之說有自來矣榮邑
峰巒秀麗山水幽奇桃峰之丹竈如新鴉嶼之碁枰
可指閒有託鉢沿門掛錫梵宇或蓬頭而跣足或服
氣以餐霞甚未可以山人墨客羽士顛僧一例律之

榮昌縣志

卷之十九

仙釋附藝術

也作仙釋志

仙釋

晉葛仙翁

邑東三十里有葛仙山以葛仙翁名有煉丹
巖洗藥池甘露茶打子石旁有桃香嶺嶺有
桃樹根從石出花實不常相傳仙翁遺核於此而
生按晉書葛洪從祖元號仙公即仙翁也舊傳以
為葛洪
仙蹟誤

明妙福

舊志妙福榮昌人正德時僧字天然別號雲巖
為冷公健菴族曾孫父定南母何氏孕公時飲
酒茹葷即嘔吐不盡不亡既舉若飲茹即不食其
乳生五歲不言人以為啞父母日此兒眉目器宇
精神光彩與凡兒殊今若此無乃有善根乎遂割
愛捨千佛寺為僧居無何忽失去既得之佛座下
跏趺瞑目端坐師怒而撻之即大聲日體究無生
也師驚奔告其父母至而問之日初至此山出家

曾遺白玉石數珠大白磁碗小鉢一扇香盒一個
在三教壁中取觀之宛然叢觀者嘖嘖稱異嗣是
遂言時甫六歲未經師授舉筆成文出口成章翻
閱教典成誦蓋夙成也每有異人佳客將至先期
預戒主院者俟之一日有老僧過訪拊公背日至
理無聲公遂慎言加謹庚寅邑大旱胡侯躬迎祈
禱即雨時遂不災江西念菴羅公聞公遠訪相與
數日留詩志別生平罕出門戶壬午夏忽偕小僧
徧詣親舊轉寶城畱旬餘里人華珍夜夢道間毫
光燦然儼若佛聖問之從者曰雲巖公也從行者
誰其徒永升云次早候公尚在寶城徒輩促回步
履輕健如昨抵山三日命湯沐整衣冠禮佛謝進
諸徒日命歸矣請後事瞑目不言請偈復張目說
偈如如不動露真機返本還原事莫知非色非空
潛造化不無不有趣菩提縱橫蕩蕩元非我恁運
騰騰豈是渠不滅滅中真寂滅無為為處卻無為
咦身同夢幻何來往寂寂歸兮無所歸偈畢遂逝
明萬曆丁丑重修縣誌核其事實書曰高僧

榮昌縣志

卷之九

仙釋附藝術

二

真容

一統志真容榮昌人嘉靖時僧其先姓徐氏自
幼為觀音寺僧有戒行後轉生於璧山縣魏伯
祿家年十七不能言一日忽謂其家曰吾生前故
榮昌觀音寺僧今當復還歸寺乃述前生事不爽
僧眾往見皆知其名邑令周俊密遣人觀之容先
令寺僧具茶候於塗人皆異之號為神僧一日跌
跏而化

月朗大師

縣北有蓮花石月朗常坐石上題句云不
染風波不染塵頑巉脫出一般真此身只

作蓮花夢夢到
蓮花是此身

國朝真參

府志榮昌人本姓賴幼時孝友兼篤將婚時祝
髮峩眉山之華崖頂繼朝清涼山入都掛錫拈
花寺數年乃朝九華山再謁南海普陀巖任南京
排頭庵三年金山寺十餘年為高陞州護國長老
二年仍歸金山回川後養真寶光寺自稱空桑子
年六十三坐化去生平恪守法戒僧眾咸稱為

口和尚轉世府志作直參誤

葉法善

不知何代自言四川榮昌人衣一衲冬夏不

唱羣兒隨之以為樂遇有鮮衣者輒於手中擲

永與

湖南寶慶府邵陽人俗姓謝寡言笑不飲酒不

動或睡三四日不醒不起似有神異場有頑夫力

大性暴肆酒橫行永與勸之頑夫持刀克劈永與

手刀不能入頑夫降服改惡從善邑東路地名高

家巖連接永川界深山曠野多虎豹傷人人不敢

往永與入山七日方出山中有古東嶽廟一所即

今朝陽砦地處也永與披剃於此為僧誦經年餘

虎吼豹鳴不敢近前又峯高場仙桃嶺右聖寺岩

壑曠野之處亦多虎豹無人行永與結茅廬朝夕

誦經虎豹潛避為開山和尚夜夢神曰汝欲尋吾

耶吾首在右聖寺身在左聖寺次日於右聖寺岩

榮昌縣志

卷之九

仙釋附藝術

三

丈雪

號通醉內江李氏子生時祥光滿室有異徵長

敦厚聰穎通儒釋要道為萬峰破和尚印可開

牛山禹門漢中靜明保甯草堂整頓顏綱邑濱教

寺長松細草修竹茂林其徒無相和尚卓錫於茲

丈雪常畱此或經月不去康熙甲辰無相重構大

殿丈雪為題天中三字筆力遒勁後十數年率

日本僧

僧碧眼紺髮形貌奇古云自日本國來掛錫

者十餘年後飄然而去其徒眾探所在蹤跡亦已

渺矣嘗有詩一絕
見寺觀三奇寺編

藝術

曾虛舟

邑人康熙中佯狂吳楚所至老幼男婦隨繞
虛舟嬉笑嫚罵言輒中人隱杭州王子堅罷

知瀘溪縣事有議其祖塋不利者子堅欲遷葬聞
虛舟來走問之適虛舟持棒登高阜眾人環之子
堅不能前虛舟遙以棒指罵曰你莫來你莫來便
要掘尸盜骨行不得行不得子堅悚然而返本通志

喻道平

父子三人均列武庠精外科專治投骨接筋
諸證尤能續頸完喉即傷肝破肺者亦治之

邑教諭寇宗贈匾云刮骨功深邑令陳价藩贈聯
云橘井泉香功濟世杏林春滿志調元年七十七

張子有

原籍漢安人幼失怙恃貧無所依自奮為傭
積貲置產遷父母骸骨葬榮昌五十始發憤

讀書博覽古今雜傳晚年深明
卜理善斷吉凶卒年九十歲

榮昌縣志

卷之九

仙釋附藝術

四

謝廷獻

儒醫有顏懷舒之子病勢甚危廷獻診脈畢
謂其不惟不死且必入泮後果驗父子俱師

事之著有醫書益壽
一卷卒年八十有四

張樹德

少業儒屢試不售乃究心岐黃每治病百不
失一人服其脈理之精年八十餘卒之日遠

近臨弔者甚眾
皆受醫之恩者

喻以忱

家赤貧嘗習短刀長矛藤牌等技咸豐八九
年以術授仁義新峯兩場團勇十年城陷被

執隨之行宿永川羅漢場與堂兄以彬姐丈冷含
宏謀日偽百長陳驚濫隊長陳驚林悍而無謀可

計取之遂給之日何不遵李帥令共打隆昌另樹
一幟免受入縛束陳日善轉宿縣西饒姓醮房三

更時菸眠酒酣遂誅老賊百長六人得銀二百餘
兩洋藥數百兩盡以分給被脅者作口食各歸本

籍是不特有技
而兼有智也

羅丕猷 幼業儒五經成誦因一足跛不能就試乃棄
而習醫博覽羣書能折衷而取其精故治病
不執古方投之輒效重慶鎮標右營夏贈匾云楠
井流香邑令龍翔贈匾云術高皇甫邑令曾燦奎
贈匾云十全為上年七十有九無疾而終

邱靜安 邑業儒以課徒為事閒靜少言不慕榮利素
善鼓琴風雅可親故一時文人學士樂與交
遊縣主徐涖任公餘之暇寄意絲桐有鳴琴而治
之風耳其名延至署中按譜命彈數曲皆中音律
喜曰世所尚者俗樂也琴操則習者少識者亦不
易如君者可謂古調獨彈矣相與調宮徵驗成虧
流連廿餘日厚遺以歸

劉奕文 素讀書耽吟詠尤善圍棋凡四方善弈之士
慕其名襍被來榮以決勝負卒無有出其右
者因此遂各呼曰棋仙蓋猶詩
聖之稱也年八十餘無疾而終

榮昌縣志

卷之六

仙釋附藝術

榮昌縣志卷之十九

外紀

外紀者從政教風化學問事功忠孝節義之外而紀之也竊謂馬史班書賞雅而不能賞俗搜神博物信耳而不必信心所以許邵之評託彼吳歌越調董狐之筆付諸桓笛羸簫故凡博採廣搜不遺秦碑漢碣同人所寄藻翰如林修輯之餘畱心披閱擇其信而有據雖在怪誕必書彙輯外編一新閱者之耳目作

外紀志

榮昌縣志

卷之十九

外紀

唐

韋

阜 任昌州刺史鎮蜀時與客宴郡西亭方就食忽暴風雨虹蜺自空垂首於庭吸其酒且盡

首似驢阜惡之遂罷宴豆盧順在座日祥符也虹蜺天使降於邪則戾降於正則祥公正人也後旬餘拜中書令

本錄異記

任彥思

昌州牧一日忽聞空中有樂聲極雅麗竟日不休空中言曰與吾飲食任問是何人竟不肯言本末乃於靜室設之如人食無遺或不與食

即碎破器物以蟲入人耳烈火四起彥思惡之移去迴避怪已先至擾亂如故如是七八年彥思無如之何亦姑聽之忽一日不聞樂聲置食無響聲但見廳舍後壁上血書五言絕句詩一首云物類易變遷我行人不見珍重任彥思相別日已遠彥思惡其所題以刀刻之而字已入木牢不可去終不知是何鬼物也舊志無本集異記

宋姚柬之

宋進士讀書瑞蓮寺山高十數尋石池水泉不竭中產蓮一種從石縫中出左紅右白花

不實根不藕開亦不常紅兆
科第白兆豐年本明道雜志

李戡 宋進士隱而不仕方輿考要昌元縣南有老
朝詔求天下善弈者蜀帥以戡應詔

虜望風知畏不敢措手通志列藝術

明建文皇帝 按明史本紀帝在位之四年六月乙丑燕

景隆叛納燕兵都城陷宮中火起帝不知所終燕
王遣中使出帝后屍於火中越八日壬申葬之或

云帝由地道出亡正統五年有僧自雲南至廣西
詭稱建文皇帝思恩知府岑瑛聞於朝按問乃鈞

州人楊行祥年已九十餘下獄閱四月死同謀僧
十二人皆戍遼東自後滇黔巴蜀相傳有帝為僧

時往來跡邑樂觀山雲峯寺石壁亦有帝手題七
律詩四首今字跡剝蝕僅存其一詩云閱罷楞嚴

磬懶敲笑看茅屋雨雲飄南來嶺嶂千層迴北望
京都萬里遙車載人辭飛鳳輦袈裟換卻滾龍袍

榮昌縣志

卷之十九

外紀

二

公卿今日歸何處惟有羣鴉
早晚朝究未知是真跡否

劉時俊 萬曆戊戌進士居官歷有異政復因進勦奢
寅功加兵部左侍郎卒於天啟丙寅正月十

九日崇禎二年追錄渝功贈兵部尚書先是里人
夢遊洞天見雷神尊君位次虛一座人問其故

答曰劉時俊將至矣果卒正與甲子秋時俊遊鄂
都洞口入陰府見閣君行禮交談臨別請後期

何時閣君答曰老先生身帶仙骨丙寅春正高
登仙位實相符合康熙丁酉歲時俊曾孫懋勤夜

夢神人入室詢其姓氏答曰我即爾曾祖勸知為
俊叩問曾祖歿後何為答曰我未辭世前里人曉

曉之語爾豈未聞耶我現
為雷部都督言訖而去

羅彥芬 明嘉靖間狀元道經榮昌問千佛寺有仙僧
名妙福就寺訪之與僧對坐三日默不一語

畱詩志別並題元
津一脈區而去

倪于義

字鍊山明崇禎辛未翰林改御史嘗夢羅漢化身因於縣南三十里生佛洞中覓得羅漢

一尊謂形肖己迎歸供俸獻賊亂後宅燬地荒

國朝康熙乙丑邑令

史彰送歸本位

陳光祿

邑生員任七寶巖一夕夢巖上有佛與語云我將出世不數日大風雷雨巖石崩裂現出

大小諸佛像始信前夢之不虛也詳古蹟

劉泌

崇禎丙子解元官至兵部侍郎為諸生時邑宰於科場前設賓興宴集諸生於大堂置五十金於席上謂眾曰有能預期中試者即將此金攜去諸生無有應者泌後至欣然向邑宰謝曰生員願領宰日爾能中乎答曰不中解元不復見公後果舉是科鄉試第一

程龍峯

將嫁女於喻家伐棗樹為嫁妝置於庭中忽一日花開八朵結果成實有一果微黃女子

榮昌縣志

卷之十九

外紀

三

歸後生七子一女俱列冠裳貴州貴甯道喻箬慶作有瑞果兆祥讚詳祥異

喻思慎

幼聰慧讀書過日成誦八九歲即工詩文年十一入庠舉奇童當時有國士無雙之譽

國朝劉中復

泌次子幼聰慧文章詩賦豪邁過人尤素嫻韜畧兼精武藝未弱冠由邑庠貢成均每自謂安邦定國不在區區章句乃棄文就武更名斌

中康熙壬子舉人不踰年而逝聞者莫不惜之著有聽露軒詩集

李翁

逸其名康熙時人住李家坪年近八旬元日族屬招飲午後歸途次見童子迎而問曰李翁來乎頃奉主命迎翁往過一敝翁叩主為誰答云此去不遠少間自悉翁尾之行至一山迤邐而上遙見茂林中隱露樓閣近臨之粉垣周遭朱門半啟亭榭雲連疑是貴家第宅行入重門見堂上一古衣冠人鬚髯盡白降階而迎執賓主禮禮已列坐待茶翁云素未謀面遂疎參謁過蒙愛接願

聆清誨主人曰僕以君家清族世德久已傾心幸
得一晤以申渴慕并不道及姓字翁益疑駭少頃
命侍者列筵備極豐盛揖翁即席翁局促不能致
辭主人曰忝近芳鄰緣即至深便當暢懷勿生疑
慮翁唯唯酒數行主人徐云僕居此山歲月深矣
素習清淨頗厭煩囂曩者君家牧童樵子常在門
前喧嚷不勝其擾今便道邀君枉顧意欲浼君稍
加約束耳方欲答語忽聞門外有呼翁之聲遽起
白主人曰天色將晚諒必小孫見尋當出視之主
人挽留答以旋踵即返於是連步出門頗甚草草
方欲覓途行回視院宇無存但見高冢而已先是
其家見翁午後不返疑之詢及族家云去已多時
於是其孫徧山呼之至此適見翁從古墓中
出也歸戒其家並封墓門後遂無敢褻之者

林象九

名乾邑增生其兄名幹亦弟子員早逝象九
少負奇氣負笈讀書時每不屑時下庸俗鄉
人無有測其志趣者嘗博觀史傳於古忠臣孝子
輒流連羨慕而不能忘家綦貧研食為生讀書自

榮昌縣志

卷之十九

外紀

四

樂晏如也庚申冬賊逼城下知城不守與胡輔之
茂才約同死作有絕命詞十首及城陷被執求死
不得乃給賊曰倘不我拘當汝從賊信之數日偕
往銅梁轉至某村團勇屯處戈矛林立迎而自刎
彼鄉文士王君瀛洲等檢其尸於懷中得絕命詩
十首知其節憐之約同人埋葬焉其堂姪吉山聞
象九死往求之疑為團眾所殺將讐其團遇某生
詰得其故嫌乃釋扶象九櫬歸葬於盤龍場

李光宗

卒年九十一臨終日里人劉國定路旁車水
忽見一白頭翁過問何往答云李光宗與我

同庚今日作古前去餞別言訖不見

江氏子

邑北鄉吳家堡人性忠樸年少美風姿備於
其族兄家為煮茗役咸豐戊午春有女子來

年約十六七娟麗無比江晝夜與諧盤桓匝月江
獨見之而他人不覺值江病女於間壁同興堂市
藥一劑江服之遂瘳初來時自言九姊妹由渝江
來阿姊輩欲以女嫁江擬五月初六與江為婚將

與偕至山中洞府江不允女亦不之強先是與江
夜談儼如夫婦家人悉聞之後則江晨後亦寢兩
人相語喃喃旁人竊聽或問之女輒答江見以為
妖將覓法師符禁之女謂嫂曰勿爾如欲我禁將
為爾禍爾之子吾必死之嫂懼而止然此女殊溫
婉與江寢處了然無異且能遂人心事有欲執
之者女使江排戶出持刀相向無敢前歷數月別
江而去杳無蹤蹟或詢江江備言其詳噫南北多
仙人常遊行人間與少年往來此女其流亞歟

羣鬼哭

明季獻賊入川縣城失守慘殺百姓血流有
聲賊去後諸犬集聚成羣晝吃人肉夜臥山
頭眼如赤血至落日時沿城遍野羣鬼呼號有聲
無影夜間黑氣濛濛聲從風起氣散聲息如羣兒
呱呱哭泣之狀夜夜如此人亦不以
為異月餘始散採余一夔聞見實錄

牛伏虎

邑經明季流賊慘殺之後人煙斷絕至康熙
初年西北大坡一帶猶多虎豹李家坪農家

榮昌縣志

卷之十九

外紀

五

畜一牛健而多力出遇虎虎見牛奮躍而前牛怒
觸虎適中其臍洞穿一孔虎負痛倒跌仰臥土坎
牛以首直抵其腹虎以爪擊牛牛雖傷不釋相持
良久虎氣絕不稍動乃棄而奔回牛體傷痕甚重
調治獲愈虎噬牛而反為
牛制亦從古所未聞也

大興寺藏經

寺在邑西距盤龍場十里殿有書廚內
貯藏經百餘部皆前明贖物人有欲取

之者僧云有大蛇在內開廚恐
觸犯而蛇亦未嘗一出嚙人

古樂器

九龍寺僧鋤山於土中鋤得一木櫃中貯銅
鑼銅鏡樂器十餘件與今製異擊之啞然無

聲上生苔蘚不
知何代物也

龍洞溪

俗名歐家洞雍正六年紅光從洞上升初似
虹霓既而雷雨大作水湧波騰鱗甲紛紛龍
形畢現里人因
呼為龍洞溪

大龜 治北里許觀音灘橋下流水深十數丈往往出大魚有漁人撒罾其下良久曳之不起以數人曳之半日而罾露網一怪物不可名狀約長四五尺色黑漁人大驚頃刻烏雲四起雷電交作漁人棄罾而逃或曰此千年老龜也

鳳尾蕉 九龍寺大雄殿前有鳳尾蕉二株高與簷齊相傳明時植娑娑掩映四時青翠寺本宋咸

醇時建碑記尚模糊可考

古菌 邑西八十里太陽寺明時佛殿生菌如釜大歷百餘年不腐昔人因塑觀音像坐於其上以菌

作九品蓮臺

牡丹 昌明里周氏瑞竹書塾植牡丹一本正榦六枝附枝以百計繁茂甲於他種每歲開時多至十

餘朵有水晶毬羊脂玉金花狀元紫姑仙三學士粉霞紅鶴翎紅殿春芳石家紅九蕊珍珠等名目

榮昌縣志

卷之十九

外紀

六

花本榮谿處士手栽后為廩生周註元移於書塾二人歸道山時花忽憔悴豈草木果有情與

月波池 邑北敖家壩小溪中有巨石淹沒水內石上鐫月波池三字大尺餘字跡蒼老每秋水澄

清視之瑩然餘月不可見其岸間有小井石罅中清流噴溢土人呼為涼水井

太平井 縣東水門內嘉慶間教匪作亂逼近縣境邑令余瑛掘之冀以通河便民汲也後賊退附

近居民漸以渣滓塞平成豐庚申滇匪擾榮邑教諭謝金元督飭局紳等募人開挖仍其舊地而式

廓之以通城外蓮花洋水汲飲者便之

石龜 邑東有小石溪溪中有石坑如甕石底有天成石龜里人間有鑿石得龜者本通志

雙柏樹 縣南二十里張河壩乃榮瀘往來衝要道旁有古柏兩株並峙高丈餘稍曲又各發兩了

共成四大枝高下大小橫斜曲直以及左右向背無不相配濃陰匝地廣蔭數畝乾隆五十年里人

於山上伐樹倒下壓斷一枝自是附近居民每夜聞林下有似貓非貓相鬪之聲火之不見去後復然時太學生張淮里中正士也聞之曰此柏生有奇形乃山川靈氣所鍾今損傷其枝故爲此不平之鳴耳於是奠以牲醪並爲文以祝之其聲乃寢次年從斷處發一小枝數年長成與前無異見者並不知其爲再生也